

**Imarsiortunut atorfinitsitaanermi atugassarititaasut il.il. pillugit inatsisip Kalaallit Nunaannut atulersinneqarnissaa pillugu peqqussut aamma Imarsiornerup isumannaatsuunissaa pillugu inatsisip allanngortinneqarnera pillugu inatsisit assigiinngitsut Kalaallit Nunaannut atuutilersinneqarnerat pillugu peqqussut Namminersorlutik Oqartussat akuerissagaat pillugu Inatsisartut aalajangiiffigisassaattut siunnersuut**

(Isumaginninnermut, Suliffeqarnermut, Ineqarnermut, Attaveqaasersuutitut Isorliunerusunullu Naalakkersuisoq)

**Akissuteqaat**

(Isumaginninnermut, Suliffeqarnermut, Ineqarnermut, Attaveqaasersuutitut Isorliunerusunullu Naalakkersuisoq)

**Aappassaanneerreqarnera**

Siullermik pingaarnertullu Naalakkersuisut sinnerlugit inatsisinut ataatsimiititaliaq inatsisissatut siunnersuummik peqqissaartumik suliaqarneranut qutsavigaara.

Inatsisartuni imarsiortunut aalisartunullu atorfinitsitaanermi atugassarititaasut pillugit annertuumik suleqatigiissinnaagatta qujamasuutigaara. Imarsiornermik, aalisarnermik piniarnermillu inuussutissarsiuteqartunut atugassarititaasunik pitsannguinnissaq annertuumik isumaqatigiiffiummat nuannaarpunga, taakku inuiaqatigiinnut annertuumik isumaqartorujussuummata.

Naalakkersuisunit, naalagaaffimmi oqartussaasut suleqatigalugit naleqqussaanerup ingerlateqqinnissaa, tamatumalu kingorna nalunaarutinik tassunga atasunik 25-t missaanniittunik atuutsitsilernissaaq piareersimaffigaarput.

Naalakkersuisunit taamatut naatsumik oqaaseqarluta siunnersuutip suliarineqarnera Inatsisartuni ingerlateqqinneqarnissaanut innersuupparput.